

Қазақстан Республикасы Президентінің "Қазақстан Республикасының Ұлттық қорын басқару кеңесінің кейбір мәселелері туралы" Жарлығының жобасы туралы

Қазақстан Республикасы Үкіметінің 2004 жылғы 15 желтоқсандағы N 1321 Қаулысы

Қазақстан Республикасының Үкіметі **ҚАУЛЫ ЕТЕДІ:**

Қазақстан Республикасы Президентінің "Қазақстан Республикасының Ұлттық қорын басқару кеңесінің кейбір мәселелері туралы" Жарлығының жобасы Қазақстан Республикасы Президентінің қарауына енгізілсін.

Қ а з а қ с т а н Р е с п у б л и к а с ы н ы ң

Премьер-Министрі

**ҚАЗАҚСТАН РЕСПУБЛИКАСЫ ПРЕЗИДЕНТІНІҢ
ЖАРЛЫҒЫ Қазақстан Республикасының Ұлттық қорын басқару
кеңесінің кейбір мәселелері туралы**

Қазақстан Республикасы Бюджет кодексінің 25-бабына сәйкес **ҚАУЛЫ ЕТЕМІН:**

1. Қазақстан Республикасының Ұлттық қорын басқару кеңесі (бұдан әрі - Кеңес) - Қазақстан Республикасы Президентінің жанындағы консультативтік-кеңесші орган құрылсын.

2. Қ о с а б е р і л і п о т ы р ғ а н :

1) К е ң е с к ұ р а м ы ;

2) Кеңес туралы ереже бекітілсін.

3. Қазақстан Республикасы Президентінің "Қазақстан Республикасы Ұлттық қорының кейбір мәселелері туралы" 2001 жылғы 29 қаңтардағы N 543 Жарлығына (Қазақстан Республикасының ПУАЖ-ы, 2001 ж., N 4-5, 42-құжат; 2003 ж., N 6, 60-құжат ; N 46, 502-құжат) мынадай өзгерістер енгізілсін:

1) 1-тармақ алынып тасталсын;

2) 4-тармақта "осы Жарлықтың 3-тармағында көрсетілген "Қазақстан Республикасының кейбір заң актілеріне Қазақстан Республикасы Ұлттық қорының жұмыс істеу мәселелері бойынша өзгерістер мен толықтырулар енгізу туралы" Қазақстан Республикасының Заңы қолданысқа енгізілген күнінен бастап күшіне енетін Ереженің 6-тармағынан, сондай-ақ 2002 жылғы 1 қаңтардан бастап күшіне енетін Ереженің 7-тармағының 1) тармақшасынан басқа," деген сөздер алынып тасталсын.

4. Осы Жарлық 2005 жылғы 1 қаңтардан бастап күшіне енеді.

Қ а з а қ с т а н Р е с п у б л и к а с ы н ы ң

Президенті

Қ а з а қ с т а н Р е с п у б л и к а с ы

П р е з и д е н т і н і ң

2 0 0 4 ж ы л ғ ы " _ _ _ " _____

№ _ _ _ Ж а р л ы ғ ы м е н

бекітілген

Қазақстан Республикасының Ұлттық қорын басқару кеңесінің құрамы

Назарбаев	- Қазақстан Республикасының Президенті,
Нұрсұлтан Әбішұлы	Кеңес төрағасы
Ахметов	- Қазақстан Республикасының Премьер-
Даниал Кенжетайұлы	Министрі
Әбіқаев	- Қазақстан Республикасының Парламенті
Нұртай Әбіқайұлы	Сенатының Төрағасы (келісім бойынша)
Мұхамеджанов	- Қазақстан Республикасының Парламенті
Орал Байғонысұлы	Мәжілісінің Төрағасы (келісім бойынша)
Жақсыбеков	- Қазақстан Республикасының Президенті
Әділбек Рыскелдіұлы	Әкімшілігінің Басшысы
Сәйденов	- Қазақстан Республикасы Ұлттық Банкінің
Әнуар Ғалимоллаұлы	Төрағасы
Дунаев	- Қазақстан Республикасының Қаржы
Арман Ғалиасқарұлы	министрі
Келімбетов	- Қазақстан Республикасының Экономика
Қайрат Нематұлы	және бюджеттік жоспарлау министрі
Өксікбаев	- Республикалық бюджеттің атқарылуын
Омархан Нұртайұлы	бақылайтын есеп комитетінің төрағасы.

Қ а з а қ с т а н Р е с п у б л и к а с ы

П р е з и д е н т і н і ң

2 0 0 4 ж ы л ғ ы " _ _ _ " _____

№ _ _ _ Ж а р л ы ғ ы м е н

бекітілген

Қазақстан Республикасының Ұлттық қорын басқару кеңесі туралы ереже

1. Жалпы ережелер

1. Қазақстан Республикасының Ұлттық қорын басқару кеңесі (бұдан әрі - Кеңес) Қазақстан Республикасы Президентінің жанындағы консультативтік-кеңесші орган болып табылады.

2. Кеңес өз қызметінде Қазақстан Республикасының Конституциясын, Қазақстан Республикасының заңнамалық актілерін, Қазақстан Республикасы Президентінің актілерін, сондай-ақ осы Ережені басшылыққа алады.

3. Кеңес шешімдері ұсынымдық сипатта болады.

2. Кеңестің міндеттері мен функциялары

4. Кеңестің негізгі міндеттері Қазақстан Республикасының Ұлттық қорын (бұдан әрі - Қор) пайдалану мәселелері бойынша жәрдем көрсету және ұсынымдар әзірлеу болып табылады.

5. Кеңес міндеттерді іске асыру мақсатында мынадай функцияларды атқарады:

1) Қорды қалыптастырудың және пайдаланудың тиімділігін арттыру жөніндегі ұсыныстарды әзірлеу;

2) Қорды пайдаланудың көлемі мен бағыттары жөніндегі ұсыныстарды қарау және әзірлеу;

3) материалдық емес активтерді қоспағанда, Қорды орналастыру үшін рұқсат етілген қаржылық активтердің және өзге де мүліктің тізбесі жөніндегі ұсыныстарды әзірлеу.

3. Кеңестің құқықтары

6. Кеңестің заңнамада белгіленген тәртіппен және өз құзыреті шегінде:

1) Қор қызметінің мәселелерін талқылауға мемлекеттік органдардың, сондай-ақ азаматтық қоғам институттарының өкілдерін тартуға;

2) ұсынымдық сипаттағы қаралатын мәселелер бойынша тиісті шешімдер қабылдауға құқығы бар.

4. Кеңестің қызметін ұйымдастыру

7. Кеңесті төраға басқарады.

8. Кеңес төрағасы:

1) Кеңес қызметіне жалпы басшылықты жүзеге асырады;

2) Кеңес отырыстарын өткізетін орынды және уақытты белгілейді;

3) Кеңес отырыстарына төрағалық етеді. Төраға болмағанда оның тапсырмасы бойынша отырыстарға Кеңес мүшелерінің бірі төрағалық етеді;

4) Кеңес мүшелеріне орындау үшін міндетті нұсқаулар береді.

9. Кеңес мүшелері:

1) Кеңес жұмысының жоспары, оның отырыстарының күн тәртібі мен мәселелерді талқылау тәртібі бойынша ұсыныстар енгізуге;

2) Кеңес отырыстарына материалдар, оның шешімдерінің жобаларын дайындауға қ а т ы с у ғ а ;

3) Кеңес отырысында қаралатын мәселелерді талқылауға қатысуға құқылы.

10. Кеңестің отырыстары қажеттілігіне қарай және Кеңестің төрағасы анықтайтын мерзімдерде кемінде жылына бір рет өткізіледі және хаттамамен ресімделеді. Кеңес отырыстары оның мүшелерінің үштен екісі болған кезде заңды. Кеңес мүшелерінің өздерінің өкілеттіктерін өзге лауазымды тұлғаларға беруіне жол берілмейді.

11. Кеңестің шешімдері Кеңес мүшелерінің отырысына қатысқандардың жалпы санының қарапайым көпшілік дауысымен қабылданады. Дауыстар тең бөлінген кезде төрағалық етушінің дауысы шешуші болып табылады.

12. Кеңестің жұмыс органы Қазақстан Республикасы Президентінің Әкімшілігі болып табылады.